

Q: Iglirup kumainik takuukhauyuuyaaqtut. Qanuq naniniaqigit?

A: Iglirit kumait uumalaaqtut halumatiagtuni agilrani. Qinijavutit iglirup kumainik alvani, akitit kiluini, taluguyaani, ikhivautani, amuyaraani ahiinilu igluup pikutaini kikliini. Naunaiyaiyumaguvit kilunik, palastinuamik pianaqmik kiliuqlugu tigumiaqtilutit makpiraamik. Iglirup kumait maniiluniit iiqhimanigata talvani, iukaraqniaqtut makpiraanuamut. Iglirup kumait mikiyut iikhimalaaqtulu amihuni inikhanik agilrariyakni. Nanihilaitunaqhivutit atauhiqmik, kihiani piqaqniqat titiraqhimayunik naunainiginik, uqaqvigiymaniarunaqhivat ayugitut ikayuriagani iliknik.

Q: Iglirup kamainik piqalirunaqhivuga naunaiqmat nanihigamalu atauhiqmik. Qanuqtauqmi?

A: Nanihiniruvit iglirup kumaanik, naunaiqaluniit iglirup kumaqaliqniganik igluukni, uqaqviginarijavat avatauyumik aaniagitaagani atanguyaq, Rick Pascoe, uvani 867-473-2676 uvaluniit qaritauyakut uvani RPascoe@gov.nu.ca, Iglulikmiluniit Igluliqiyit Katimayiini uqaqvikhaq, Dana Barker-Sheaves, uvani 867-934-8917 uvaluniit qaritauyakut uvani ig_manager@qiniq.com.

Q: Qanuriliulaaqik nanihiguma iglirup kumainik agilrariyamni?

A: Piqaqtuq amihunik hulijutikhaqnik piqaruriagani iglirit kumainik agilrariyaqni.

- Kiklimaktiqlugu igluut tamayaiyavyaklugu iglirit kumait iiraaqtuqvikhaqagitaagani.
- Miluqaqlugit tamaita inigiyauyut iglirit kumainit, natiqni nirumiqtainik, natiqnik, piqutinik iglumi, kilaqni igluum haniraini, kikliini, alvani, tuungaviinilu iglirit qiratatainilu ublutuaraagat. Imaiyyavutit milukaut qiliqhimayumut palastinuamik puumut igilugulu hilaqikni iqaguuqvinut qilamik. Ujavatit milukautip nuva tilajutailu uunaqtumi immaqmi iqmiuhiqlugulu. Atujavutit uaqhitimik halumaqtirutiqaqtumik ahivariagani igliqmi kumaknik maniiniklu kiluinit kikliginikluniit iglugiyaqit.
- Unaqniq tuqujutaauyuq tamainik igliqmi kumainik. Ujavatit alvatit aanuraatilu unaqtumi immaqmi iqmiuhiqlugu, ualimagitut hunaliqaa paniqhivikmut ilijavatit 30-minitmi unnaklugu. Atulaaqtutulu puyumut halumaqhijutimik igluup piqutainik natiqniklu, nuyaknikluniit paniqhijutimik tuqutiriyaagani igliqmi kumaknik. Itqaumalutit unaqniga 49 degrees-guyariaqaqtuq uumani havaami.
- Ilijavatit halumayut aanuraat qilirutiqaqtumik palastimik puumi atuliriagani aturumalirupkit. Una ikayutauniaqtuq piqaruriagani igliqni kumaknik iglugiyaqni.
- Qiqitiqniqit tuqujutaauyulu tamainik igliqmi kumaknik. Iliurialaaqtutit igluup piqutainik aanuraaniklu, alvanik, akitinik niruvyutitniklu hilami palastimik puuqlugit tamayaqaqvikmiluniit pigahuni ubluni tuqutaagani igliqmi kumait maniilu. Itqaumalutit qiqumaniga 15-degrees-mik niglaumanigariaqatuq havaami.
- Atuqlutit nipitqaqtautiliknik avatikni nipitirutinik Vaseline-mikluniit ataani piqutivutit igliqmi kumait mayuagitaagani nutaanut inikhaminut.

- Himiktiqlutit qupinigit akmaumaniilu natiup kiklikhaini, piqutini hanigainiluniit igluup.
- Uqaqatigijavat avatiliqiyini aniaqtailinikut atanguyauyuq ukuniga ahiinik munarijutinik atulaaqtunik.

Q: Qanuriliulaaqik hiamayagitaagani igliqmi kumait ahianut iglugiyama?

A: Imailiulaaqtutit hiamayagitaagani igliqmi kumakni ahianut iglugiyaqiq ima:

- Piqutigiyatit tuutquumalugit ilikuut havakvikmi, ilihavvikmi inuulu katitpakviini. Nakhalaqaqtutit palastikmik puukhamik tamayaqaqvikmiluniit umiktiriagani piqutigiyatit.
- Iliuraqlugit halumayuut aanuraat qiliqhimayumi pukatami atuliriaqtinagit. Una ikayuutauniaqtuq munariyaagani igliqmi kumait ahianut.
- Aanuraaqlutit halumayunik aanuraanik havagiaruvit, ilihariaruvit inuulu katitpakviinik, aanuraatqiqlutit utiriaqtinatit agilrariyaqnut.
- Ublutaraagat ihivriupaklugit nakmaktait, puukatanuit, niqqaqviknik qiyuqutinik, ahiiniklu nakhaqpaktaqnik talvuga ahianulu agilrariyaqit. Halumayukhaugaluit qiliqlugit palastinuanik puunuani piqutiqaqvikniluniit iglirit kumait iluanugatiqaagani ukunuga agilrariyaqni.